

Cauhnieb, Heuh Singj Gij Dieg Vutfwz

——Gij Saedsaeh Boubbing Doiqvuj Lij Vujgyangz Dauqma Ranzmbanj Cauhnieb

创业，唤醒沉睡的闲置土地

——退伍军人李武强返乡创业纪实

□ Liuz Dughlingz sij Veiz Munglingz hoiz

Dwen daengz boubbing doiqvuj Lij Vujgyangz, de youq Gvangsiah Bozbwz Yen Dughbingz Cin Hojgyaz Cunh dwg boub vuz mizmingz ndeu. 1978 nienz 1 nyied, de bae dangbing, 1983 nienz 1 nyied doiqvuj. Ginggvaq ginhdui muzlien, de bienqbaenz boub vuz miz dangrap, miz cwzyin ndeu, budui aen luzdiet hungloet neix, hawj de bienq ndaej giengienz, mbouj lau dwgrengz. 1983 nienz doiqvuj le, Lij Vujgyangz bae Gvangjdungh guhhong, baengh gij cingsaenz gwnhoj naihaemz, gamj roemx gamj buek youq ndaw budui lien baenz haenz, de gig vaiq couh cau ok benq diendeih swheij. Baez ndeu, de maranz damqaen, raen miz benq diegfuz gvangqlangh ndeu, de naemj, gij gyadaej bonjfaenh nanwt lo, baenzlawz cijndaej coengh vuzmbanj duetgungz baenzfouz ne? Lij Vujgyangz raen lai rox lai, couh daj benq dieg neix yawjraen seizgei, ndawsim miz aen siengjap daihdamj ndeu, yaek dawz gij diegdeih swhyenz lajmbanj buenzcingi hwnjdaej…… Riengzlaeng, de mbouj yaemhywx saekdi, dauqma ranzmbanj cau hnieb, dazyinx vuzmbanj caez byaij hwnj diuz roen baenzmiz.

Naeuz guh couh guh! Lij Vujgyangz ma daengz ranzmbanj le, mbouj dingz mbouj deq, baengh gij cingsaenz gamj roemx baenaj, mbouj lau saw, daiqdaez guhyienh, youq ndaw naz ranz de ndaem gohaeux fouz goenghaih. De daiqlingx vuzmbanj dawz buek diegfuz ndawyangh bienqbaenz dieg ndei ndaej canh ngaenz ndeu. Seizde ndawyangh mbouj miz ngaenz, Lij Vujgyangz gag comz ngaenz gyonj guh ngaenz vuznlai, doengzseiz yinxhaej hanghmoeg ndei, yungh aen vungsik sinzvan ndaem guh youh ciengx bya, diegnaz moix moux aeu bak faenh cih bet daengz bak faenh cih cib guh daemz ciengx bya, raemx laeg cib goengfaen daengz mij ndeu, Cingmingz gaxgonq ndaem naz liux, 4 nyied gyangndwen ciengx byavahaeux, byanouq daengj doengh duz bya miz daegsaek……

“Cauhnieb itdingh yaek doiq swheij miz saenqsim, boub vuz miz saenqsim couh ndaej gikfat ok rengzndumj.” Lij Vujgyangz seizseiz yungh gij cingsaenz boubbing ma gikleih bonjfaenh. Doenghbaez, vuzmbanj souhaej cungj baengh dajndaem cienzdoengj lai, dingzlai lij gvaq ndaej gungzhoj, yienznaeuz mbanjgiboux caemh naemj yaek cau hnieb hwnghat, hoeng cungj mbouj gamj seizbienh sawq guh. “Mbouj miz gisuz couh bae hag, mbouj rox dajciengx couh cingj

vunz son.” Lij Vujgyangz naeuz, de dang gvaq bing, sojlaiz yawj ndaej gyae youh gvangq, hix gamj guh gamj sawq. De mbouj deq mbouj baengh, gag bae guh, gyoebgyonj gij dieg moix ranz hwnjdaej, aeu ngaenz haiej guj, yungh dieg haiej guj daengj dazyinx vuzmbanj caez dajndaem dajciengx.

Ndwencieng 2018 nienz, de ciucomz daengxcungq vuzmbanj caez doxyaeng geiqmaeuz hwnghat caeuz baezlaeng baenzlawz guh, guh baenz diuz loh canjnieb hwnghat “dajndaem dajciengx hab swnghdai, huqdoj baenz binjbaiz, dangdieg ok gingindei, canjnieb aeu yungzhab” ndeu. 2018 nienz 3 nyied 8 hau, de laebbaenz Bozbwz Yen Vangginghdangz Cungyangj Conhyez Hozcozse, cucwz swghin cien lingz ngeihcib fanh maenz, seizneix miz bak seiqcib hoh conhyezhu gungh caet bak betcib lai vuz gyahaiej hozcozse, ndawde boubbing doiqvuj miz cibroek vuz, gyoengqvunz ndaw se aeu sam bak lingz haj moux naz, song bak roekcib moux reihndoi, cien haj bak lai moux diegbya haiej guj, cogeiz haiej guj betcib lai fanh maenz. Saedhengz hanghmoeg doxdaej, Lij Vujgyangz daiqlingx gyoengqvunz ndaw se bingzcingi diegnaz, swnggaep gajcauh gij hidungj baiz raemx ndawnaz, baenzneix haemq baiz raemx guenq raemx caeuz re raemxrongz, mizyauq daezsang gij leihyunghlwd diegnaz, fuengbienh dajndaem caeuz dajciengx, engq youqgaenj dwg daezsang gij rengzndumj cingjdaej dajndaem caeuz gij naengzlig fuengz caihaih, swnghcanj vanzging haemq onjdingh, vih ndaem haeux ciengx bya swnghdai cunghab dajndaem dajciengx dajdaej. Seizneix hozcozse ngoenz beij ngoenz ndei, guh miz diegdingzci, loekraemx biulae daengj hanghmoeg. Lij Vujgyangz mbouj miz seism vih vuznlai, vih vuzmbanj mauez fouqmiz, vuzmbanj gig gingqcungh de. Gyoengqde siengj senj de guh secangj, hoeng de cix baed fwngz naeuz: “Cijaeu vuzmbanj ndaej caeuxdi duetgungz, youq aen vihhong lawz cungj mbouj youqgaenj.”

“Lij Vujgyangz daiq raeuz laebbaenz hozcozse, gwndaen ndaej gajindei. Doengzseiz de youh dwg boub vuz simndei hozraez ndeu, mwh raeuz bungz daengz hojnanz roxnaeuz vwndiz, de cungj haengj coengh raeuz gajgez.” Boubsecangj Vangginghdangz Cungyangj Conhyez Hozcozse Lij Cujlenz yienghneix gangj. Seizneix, hozcozse cawx doxgaiq dajndaem dajciengx hawj vuzmbanj;

son gyoengqde baenzlawz dajndaem dajciengx, gyagoeng dajgai; lij son vuzmbanj gij gisuz, saenqsik, denswj sanghvu, nungzyez youqlag ngonz gingj daengj caeuz dajndaem dajciengx mizgven haenz.

“Dangbing laeb ceiq bauq guekcoj, maranz cau hnieb fouq vuzmbanj.” Coglaeng, Lij Vujgyangz gig miz saenqsim, de gig miznaj lwnh gyoengq canyouj daej hag gingniemh haenz nyi, “Saedhengz hanghmoeg doxdaej, Yenveij caeuz Yen Cwngfuj aeu cwngcwz gikcoi, cienzngaenz haengrengz bangcoengh, gij hangznieb swnghdai dajndaem dajciengx hozcozse yied daej yied hung.” De gangj geiz daih’ it hanghmoeg guh ndaej bingzonj, gihi dingzlai dwg gij naz ndaem mbouj baenz haeux vutfwz lai bi haenz, doeklaeng aeu ma ndaem haeux ciengx bya le, cawzok vutfwz mbouj miz souhaej, hanghmoeg doq miz itdingh souhaej: Cunghab ndaem haeux ciengx bya, haeux mbouj gemjcanj, ciengx byanouq, fawh ndeu moix moux gueng swzliu, cawx doxgaiq wng yungh bae cien maenz ngaenz; fawh ndeu canj ok bak goenggaen byanouq, goenggaen ndeu gai samcib roek maenz ngaenz, byanouq moux ndeu ndaej sam cien roek bak maenz ngaenz, moix moux canh ndaej song cien roek bak maenz ngaenz. Coglaeng aen hanghmoeg geiz daihngaih yaek aeu sojmiz reihndoi vutfwz dajndaem gohuq seizneix ndawhaw haemq noix miz, miz daegsaek deihfueng haenz, roxnaeuz ndaem goyw Gvangsiah gag miz haenz, beijlumj vagimngaenz, duhnamhfangz, gomat, mehnaeuh daengj. Caj song aen gveihva neix guh baenz le, menh yungh sam daengz haj bi, gya’ gvangq gizdieg dajciengx, hwnghat swnghdai lijyouzyez, saedyienh gohyoz sinzvan dajciengx. Doengzseiz guh daihsam, daihseiq geiz gveihva, lailai leihyungh doengh gij diuzgienth ndei Hojgyaz Suijgu, Aen Fai Hozgyangh bae hwnghat lijyouzyez, daiqdoengh vuzmbanj Hojgyaz Cunh laebbaenz aen suen cunghab gyoebgyonj yienhdaih dajndaem dajciengx, swnghdai nungzcanh, youqlag lijyouz, dawz Hojgyaz Cunh guhbaenz aen mbanj canjnieb hwnghoengh, swnghdai habyouq, fungheiq vwnzmingz, ceihleix mizyauq, miz gwn miz daenj moq ndeu.

“Hozcozse laebbaenz le, sou gij vuz gungzhoj guhhong, gyoengqde ndaej demsou, hix mbouj you gwndaen lo.” Golij ndawmbanj naeuz, “Mwh hozcozse caengz laebbaenz, baenz mbanj reihnaz vutfwz, couhcinj

ndaem doxgaiq roengzbae, ngoenzhaw hix aeu dawz bae gai, byaij baeg lai mbouj gangj, gai mbouj gai ndaej bae cungj mbouj rox. Seizneix dajndaem dajciengx dajgai cungj mbouj yungh you la…… Caen yaek docih Lij Vujgyangz.” Golij gangj daej gig vuenheij.

Duj va gag hai mbouj baenz cin, bak va hai liux cin rim suen. Lij Vujgyangz cau hnieb gaengguh miz ceiqheiq, bienqbaenz boub daiqdaez cau hfouq lajmbanj. Gangj daengz gij saeh cau hnieb dwgrengz bonjfaenh, de danqheiq naeuz: “Bungz daengz hojnanz, gou hix siengj cuengq fwngz, hoeng hix caenh youq ndawsim daezsingj swheij, gou gaxgonq dwg boubbing, mbouj ndaej hawj geu buhbing gou daenj gvaq haenz bienq mong, gou couh yungh gij cingsaenz boubbing seizseiz iugouz bonjfaenh.” Lij Vujgyangz mbouj bienq simnduj, baengh gij simhoengh caeuz gij naengzlig cazyawj gaemdawz aen seizgei ndei hwnghat, daiqdoengh vuzmbanj caeuz gizyawz boubbing doiqvuj dangdieg caez fouqmiz, guh baenz le aen ranzmbanj gyaendei, canjnieb hwnghoengh, swnghdai habyouq, fungheiq vwnzmingz, ceihleix mizyauq, miz gwn miz daenj, daj boubbing doiqvuj bienqbaenz boub cau hnieb ndaej baenz ndeu.

Lij Vujgyangz naeuz: “Gou gijmaz cungj mbouj aeu, doenghbaez roengzrengz buekguh, cungj dwg aenvih ndiepgyaez diegseng caeuz vuzmbanj. Baezlaeng gou caemh lumj gaxgonq nei gvansim bangcoengh hwnghat hwnqguh ranzmbanj, aeu aen cienzdoengj doiqvuj mbouj doiqsaek ndei neix fugsah aenbiengz, yungh gingniemh cau hnieb bonjfaenh daiqdoengh engq lai boubbing doiqvuj gag cau hnieb, dawz Hojgyaz Cunh cau baenz aen dieggiek boubbing doiqvuj cau hnieb guhhong ndeu, daiqdoengh gyoengqvunz seiqhenz doengzcaeuz fouqmiz, guh ak aen hangznieb dajndaem dajciengx swnghdai lajmbanj.

Lij Vujgyangz gamj guh gonq, ndaej genhciz, guhyienh hawj daih nungzminz lajmbanj moq vut gij swhsienj gaeuz, haiguh swnghcanj gag gouq, saedyienh demsou baenzmiz, hix dwg boubbing doiqvuj guhyienh gag cau hnieb. Daj gwnzndang de, ndaej raen daih nungzminz moq gamj cau hmoq, miz sim roengzrengz gajbienq gij yienghhoj lajmbanj, caeuz gij maqmuengh moq lajmbanj duetgungz baenzmiz.